

《中國地方藝文薈萃》編委會 編

中國地方藝文薈萃

學苑出版社

華東卷·第十輯 玖

華東卷·第十輯
玖

中國地方藝文薈萃

《中國地方藝文薈萃》編委會 編

貴州师范学院内部使用

七十二峰足徵集八十八卷（七）

貴州师范学院内部使用

七十二峰足徵集八十八卷（七）

（清）吳定璋輯

據清乾隆十年（一七四五）吳氏依綠園刻本影印

七十二峰足徵集卷六十七

武峰吳定璋友篁蒐錄

武邱吳建中立人編訂

吳之昌

之昌字公全號鹿民賦性清和淡于名利工詩能
畫居西金山下有隙地一區流泉屈曲逶之因構
室數椽于其上顏曰濯息齋與賓朋觴咏興至
輒染翰揮毫人爭持去嘗画一扇寄葉石君葉謝
之以詩曰嘯傲西金度好春擬垂物外遠咸秦筆

端便有琉璃地不染人間一點塵扁舟惟與醪醑
俱雲滿山頭花滿湖便面寄將知雅意家山今後
有林逋所著東軒小草尤西堂太史序之稱其詩
中有畫欲乞其以大幅畫七十二峰下為三萬六
千頃塞四壁為卧遊具其為名流推重如此孫希
亮字吟蓑亦能詩早卒不傳

聽鸛

綠陰深坐金衣客圓音宛轉紗窓碧鼓吹詩腸百
轉嬌携柑載酒停遊屐罷織流黃少婦驚飛去落

花春可惜

蔣公晉贈金萱供膳箴中

春盡花應盡萱能啟衆芳尋君三徑麗惠我一枝
香含露離堦影當風引蝶忙忘憂如可信永與伴
藜牀

種竹和友人韻

寒玉分深翠偏宜僻地栽捎雲初得勢籠月待成
材葉潤滋新雨根深長綠苔嶽之有同好不問主
人來

春日園居

小築傍溪灣。鋤烟只闕閑。病憐梅共瘦。夢愛蝶俱閒。
世事催霜髮。幽懷賦小山。勝情偏自覺。耽寂不知還。

坐射鶚山石浪

山於盡處別成邱。吞吐吳江一望收。鶚避矢敢從
遠。颺石隨濤湧自雕。鏤可堪携載。時供漱不事鞭
驅。勢欲流布席。不知明月正却疑。身在古滄洲。

小遊仙

歷遍名山赴玉京。樵歌聲雜步虛聲。緱山烟雨秦樓月。鳳背吹簫鶴背笙。

杏林

午橋莊下燕飛遲。貼樹輕紅映酒卮。來自日邊初著雨。和烟和霧濕臙脂。

吳中才

中才字兼三。習刑名之學。老成練達。為時推重。不家食者三十餘年。而囊無餘貲。貧病以老。

江寧臬署除夕步友人韻

七十二峯

武山

卷六十七

春到經旬歲始除江天草木喜昭蘓年光有意催
人老板酒多情伴客孤目送雙丸流峻阪身飄一
葉畏泥途巡簷索向梅花笑墻角香生雪裡株
胸懷渣滓日消除氣靜神清病骨蘓家住洞庭歸
夢遠身羈梲葉旅情孤絲添霜鬢風吹幕寒入香
醅雪載途明歲勝如今歲否新花還發舊時株

吳浩

浩字孟直號蓼汀少失母育於乳者朱媪備嘗辛
苦乃祖鑑庵憐之甫授室即令出居外園自食其

力母蘓孺人嘗割股以療姑疾。涪思表母孝行而
無由與人言。輒流涕。處貧以授徒餬其口。為文章
根柢經史而才氣橫厲。筆情竒恣。吳江費巽來洪學
進士。搢選政於一時。多取其佳篇。借刻他氏。以為
風氣之先。中年遭外侮。避禍入林屋山。中究心刑
名家言。得其要領。出遊江右。後從蔡墨濤書於靈
武。時軍興。旁午羽檄交馳。芻米駝羊之役。運濟于
大漠數千里外。短衣匹馬。與弓刀健兒相先後。六
月披裘三春。吃雪中宵。莽宿仰面見北斗。賓主相

視而嘻曰於馬背得詩磨看鼻書之意氣雄邁靡
與交皆塞上豪雋浩身不踰中人而鬚眉如戟好
論議每事當棘手衆相顧莫敢為浩至則指掌決
成敗批郤導窾經權互用莫不推為能手名藉甚
即上官亦時時借才於靈武卒年六十有六所著
知非草北征雜咏三秦遊草虞山汪茶圃稱其才
學精深橫目之所擊橫口之所出未嘗與詞人角
聲采而自非蟲魚月露之流所得窺儼感物造端
最得詩之原本者

謂伏羲廟

劈空立一畫。天地鴻濛開。竒耦含變化。萬彙從中

胎。降靈溯成紀。

帝秦州以古名成紀

宮闕瞻崔巍。古木協卦數。

廟中古柏計六十四株

清晝藏風雷。再拜敢仰視。精誠動疑猜。

斯文推鼻祖。願我同嬰孩。屏息促跬步。徘徊重徘徊。

徇

漢紀將軍墓 諱信

一炬焚人火。阿房泣塗炭。烈焰燄熾榮。陽直欲灰炎。

漢卓哉絕將軍。捐軀脫君難。中原久逐鹿。從此雌

雄判浩浩大風歌封侯及留鄴萬死出重圍有骨
空糜爛我來拜高塚側足蓬茅亂漢帝真少思英
風仰天半不見韓彭徒一朝身首斷懷古意難平
臨風發長嘆

羊皮渾脫

靖遠界華夷黃河遠西北渡河用渾脫驚詫目未
矚其製取老羊。奏刀去毛肉。脫皮貴完好。絨頭纏
三足。留一以灌氣。膨脝類果腹。鋪列數十。上下
交三木。編次務堅牢。巨絙加紮縛。隨手擲河湓。汎

汎同鷗鷺。旁可坐兩人。中能容十斛。左右互掀撥。
旋轉如車轂。棹槳入河心。山根無舐觸。捷若鷹展
翅。迅若箭飛鏃。歸途怕逆流。洩氣無留蓄。層疊便
輕舉。懷挾走山谷。依然立河干。招招繼曛旭。更聞
西南夷。其皮或用犢。氣夫力益厚。安坐同轆轤。著
憶江淮間。艫艫受傾覆。中流阻風濤。掀簸如翫珣。
波臣酷逼命。往往聲聞哭。安得廣其法。澤國皆私
淑。平穩渡行人。地底同厚祝。固知人工巧。造物難
拘束。渡水不用舟。居民沿舊俗。帆檣置高閣。篙櫂

棄平陸舟師告技窮長年空名目得真輕便法事
盡安閒福幾起神聖功剝木徒勞碌

含哺歌

彤雲捧朝日大地光復且明
詔下蠲租駢肩爭
諦看癸卯迄甲寅恒河數莫筭
天言徹底除歡
聲達霄漢乃知河水清其理非汗漫
卿雲與麟鳳
休徵豈荒誕不然何以得此
聖人者頓使普天
同慶無愁嘆
供賦乃常職輸將守舊圖
急公勿敢後恐遭吏怒